



Broj: 01/2-36-1412.1/2023
Ilijaš, 31.05.2023. godine

Na osnovu člana 7. tačka 2. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH», broj: 12/03, 34/03 i 65/13), Općinski načelnik donosi:

ODLUKU O STANDARDIMA I KRITERIJIMA ZA IZBOR I IMENOVANJE KANDIDATA NA POZICIJU PREDSEDNIKA I ČLANA UPRAVNOG ODBORA I NADZORNOG ODBORA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ

**Član 1.
(Predmet)**

Ovom Odlukom Općinski načelnik utvrđuje standarde i kriterije za izbor i imenovanje kandidata na poziciju predsjednika i člana Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ (u daljem tekstu: Odluka), kao i način bodovanja kandidata na intervjuu, koji će se obaviti sa kandidatima čije su potpune i blagovremene prijave pristigle po Javnom oglasu za izbor i imenovanje kandidata na poziciju predsjednika i člana Upravnog odbora i Nadzornog odbora JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ, čije konačno imenovanje vrši Načelnik općine Ilijaš, a koji u potpunosti ispunjavaju opće i posebne uslove.

**Član 2.
(Uslovi za imenovanje)**

(1) Za predsjednika i člana Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ može biti imenovan kandidat koji ispunjava slijedeće opće uslove:

- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (na bilo kojem nivou države ili entiteta) u periodu od tri godine prije dana objavljivanja upražnjene pozicije,
- da se na istog ne odnosi član IX stav 1. Ustava Bosne i Hercegovine.

(2) Pored navedenih općih uslova, kandidat koji se imenuje za predsjednika i člana Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ, treba da ispunjava sljedeće posebne uslove:

- da je državljanin Bosne i Hercegovine
- da se protiv istog ne vodi krivični postupak, odnosno da nije osuđivan za krivično djelo ili privredni prestup, koji je nespojiv sa obavljanjem dužnosti predsjednika i člana Upravnog odbora i predsjednika i člana Nadzornog odbora,
- da nije osuđivan za prekršaj koji je nespojiv sa obavljanjem dužnosti predsjednika i člana Upravnog odbora i predsjednika i člana Nadzornog odbora,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine («Službene novine Federacije BiH», broj: 70/08),
- da ne obavlja ni jednu javnu funkciju u smislu člana 2. tačka c) i člana 5. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj: 35/22, 44/22-ispravka i 52/22-ispravka),
- VSS i najmanje 3 godina radnog iskustva nakon sticanja diplome – za predsjednika,
- VSS ili VŠS i najmanje 3 godina radnog iskustva nakon sticanja diplome – za člana,
- da nije član upravnog, izvršnog ili drugog organa političke stranke,
- da nema privatni finansijski interes u Ustanovi,
- da nije na poziciji direktora u Ustanovi,
- da nije član upravnog ili nadzornog odbora u više od jednog reguliranog organa.

(3) Za sve kandidate koji u potpunosti ispunjavaju opće i posebne uslove u postupku konačnog izbora uzeće se u obzir i sljedeći kriteriji:

- komunikacijske i organizacijske sposobnosti,
- prilagodljivost timskom radu i sposobnost za savjesno i odgovorno obavljanje pozicije,
- sposobnost odlučnog i nepristrasnog donošenja odluka i
- rezultati rada tokom dosadašnjeg rada.

Član 3.

(Ravnopravnost pri izboru)

(1) Prilikom utvrđivanja ili primjene standarda, neće se vršiti diskriminacija prema bilo kome na osnovu rase, nacionalnog ili etničkog porijekla, boje, vjere, pola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.

(2) U toku postupka imenovanja vodit će se računa o spolnoj zastupljenosti.

Član 4.

(Oglašavanje i imenovanje Komisije za izbor)

(1) Na osnovu općih uslova utvrđenih u članu 7. stav 1 Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH», broj: 12/03, 34/03 i 65/13) i standarda i kriterija iz ove odluke, Općinski načelnik će raspisati javni oglas za izbor i imenovanje kandidata na poziciju predsjednika i člana Upravnog odbora i Nadzornog odbora JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ.

(2) Općinski načelnik će imenovati Komisiju za izbor kandidata na poziciju predsjednika i člana Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ (u daljem tekstu Komisija).

(3) Komisija iz stava (2) ovog člana je zadužena za pregledanje i utvrđivanje formalno-pravne urednosti pristiglih prijava na javni oglas (blagovremenost i potpunost), za provođenje intervjua sa svim kandidatima koji budu ispunjavali formalno-pravne uslove objavljenog oglasa i budu stavljani na listu sa užim izborom, za sačinjavanje rang liste sa najboljim kandidatima, te za provođenje drugih radnji za koje bude zadužena rješenjem o imenovanju.

Član 5.

(Sadržaj intervjua)

(1) Svi kandidati koji budu stavljani na listu sa užim izborom biće pozvani na intervju, nakon čega će Komisija putem pismene preporuke predložiti rang listu sa najboljim kandidatima Općinskom načelniku.

(2) Prije intervjua kandidati su dužni dostaviti podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

(3) Intervju za kandidate iz stava (1) ovog člana sastoji se iz opšteg i stručnog dijela.

(4) Opšti dio se sastoji iz 2 (dva), a stručni iz 3 (tri) pitanja, na osnovu čega se svakom kandidatu postavlja ukupno 5 (pet) istovjetnih pitanja koje usaglašava Komisija sat vremena prije početka intervjua.

Član 6.

(Pitanja za intervju)

(1) Opšta pitanja će se odnositi na profesionalnu karijeru i rezultate ostvarene tokom dosadašnjeg rada kandidata, organizacijske sposobnosti kandidata, sposobnost i spremnost za timski rad.

(2) Stručna pitanja će se odnositi na poznavanje Uredbe sa zakonskom snagom o ustanovama ("Službeni list RBiH", broj: 6/92 i 13/94) i Pravila JU "KULTURNO-SPORTSKI CENTAR I RADIO ILIJAŠ".

(3) Predsjednik i svaki član Komisije postavljaju kandidatu po jedno pitanje.

Član 7.

(Ocjenjivanje)

(1) Predsjednik i svaki član Komisije će svakog kandidata na intervjuu ocjeniti za svako pitanje ocjenom od 1 do 5.

(2) Nakon dobijenog odgovora na postavljeno pitanje iz člana 6. ove Odluke, predsjednik i

svaki član Komisije je dužan izvršiti ocjenjivanje svakog kandidata na obrascu (obrazac 1) koji je sastavni dio ove Odluke.

- (3) Predsjednik i svaki član Komisije ukupan broj bodova, koji je dobio svaki pojedini kandidat na intervjuu dijeli sa brojem 5 (broj pitanja), čime se dobiva pojedinačna ocjena predsjednika i članova Komisije za svakog kandidata pojedinačno, te se takav popunjeni i potpisani obrazac 1. predaje predsjedniku Komisije.

Član 8.

(Način bodovanja)

- (1) Ocjene koje je dobio svaki kandidat od strane predsjednika i članova Komisije zbrajaju se na zbirnom obrascu (obrazac 2), kako bi se dobio konačan broj bodova za svakog pojedinog kandidata s tim da jedan kandidat može dobiti maksimalno 25 bodova.
- (2) Ukoliko dva ili više kandidata, nakon zbrajanja bodova, budu imali jednak ukupan broj bodova, prednost kod rangiranja kandidata ima kandidat koji je dobio veći broj bodova na postavljena stručna pitanja.

Član 9.

(Rang lista kandidata)

Nakon provedenog intervjua sa svim kandidatima, Komisija sačinjava pisanu preporuku sa prijedlogom rang liste sa najboljim kandidatima sa redoslijedom kandidata prema uspjehu (ukupan broj ostvarenih bodova) postignutom na intervjuu i istu dostavlja Općinskom načelniku.

Član 10.

(Imenovanje predsjednika i članova Upravnog odbora i Nadzornog odbora)

- (1) Općinski načelnik cijeneći položaj kandidata na dostavljenoj rang listi Komisije, donosi Odluku o izboru kandidata na poziciju predsjednika i člana Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ.
- (2) Bilo koji kandidat ili zainteresirana stranka, može podnijeti prigovor na Odluku o izboru kandidata na poziciju predsjednika i člana Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ, ako smatra da u procesu izbora nisu ispoštovani principi utvrđeni Zakonom o ministarskim i drugim imenovanjima Federacije BiH.
- (3) Prigovor se podnosi Načelniku općine Ilijaš, a kopija se dostavlja Ombudsmenu za ljudska prava Bosne i Hercegovine.
- (4) Istekom roka za prigovor i donošenjem odluke po prigovoru, Općinski načelnik donosi Rješenje o konačnom imenovanju predsjednika i članova Upravnog odbora i Nadzornog odbora JU "KULTURNO-SPORTSKI CENTAR I RADIO ILIJAŠ".

Član 11.

(Čuvanje standarda i kriterija)

Standardi i kriteriji za imenovanje čuvaju se u evidenciji Komisije za izbor članova Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ

Član 12.

(Stupanje na snagu)

- (1) Stupanjem na snagu ove odluke stavlja se van snage Odluka o standardima i kriterijima za imenovanje predsjednika i članova Upravnog odbora i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ, broj:01/2-40-994.2/19 od 13.05.2019.godine.
- (2) Ova Odluka stupa na snagu danom njenog donošenja.

OPĆINSKI NAČELNIK

Akif Fazlić, dipl.ecc.

Ul. 126. Ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod RAIFFEISEN BANK BIH,d.d. Sarajevo: 1610000091470429
e-mail: info@ilijas.ba



Broj certifikata:HR 008740